

四庫全書

集部

欽定四庫全書

松泉集卷十五

己巳上

吏部尚書汪由敦撰

元旦

是日
後即

上受朝
召見

龍葱瑞靄浮雙闕
螭頭寶鼎香烟發
星陳仙仗拂條風
早識春光來半月

駕迴日上紅鸞扇
未換朝衣趨朵殿
如願恭承

天語溫羽書飛處
卿雲現錦江浪靜
玉壘平喜氣遙開

的博營耳聽春聲朱鷺曲犁鋤無擾度銷兵

為大章姪題五世讀書園圖

硤中盛譽埒王李第五名齊蔚清綺松明山下讀書堂
素業相承富文史高曾規矩守勿墜此是讀書真種子
雅涉風騷綴珠玉豈事筌蹄艷青紫當年五世今七世
從茲百葉傳珂里長松磊砢清泉奔畫圖瀟灑古意存
細看題識數前輩一一名姓芬荃蓀即今擁節分雄藩
吾宗贈處能無言讀書之樂樂弗諼百年喬木蒼烟屯

洪河九派來崑崙請君珍重綿世澤式培其根導其源
君不見洛陽全盛記名園幾許流傳到子孫

下直

韶光行試六街燈散直人歸輿可憑鴟吻斜陽鬢將入
蛾眉纖月淡初升較量筋力隨年減點檢文書與日增
只有鄉風時在念辛盤深夜酒如澆

老去

老去渾教萬慮蠲間來兀坐一惺然漫將去日比來日

金
卷十五
從道增年是咸年五夜雞聲催禁漏一簾駒影散鑪烟
家山不隔清宵夢彷彿梅溪竹嶼邊

有懷彭芝亭少司寇

翩翩海鶴憶清標
萊彩潘輿樂事饒
入饌江魚兼竹笋
裁詩翡翠集蘭苕
胥江放棹波初綠
鄧尉探梅雪未消
幾度白雲亭上望
待聯清珮謁丹霄

恭和

御製召經畧大學士忠勇公傳恒班師還朝元韻

帝鑒元臣効赤忠軍威振處戒兵窮摧堅矢志成拉朽
解網

垂仁曠發蒙

丹詔策勲光威睨桓圭錫社本

慈宮黑頭正藉調神鼎次第看論翊贊功

電激颶飛正搗巢

如天聖德荷并包舞干謙受稽虞典錫命師中應易爻
兵洗巴江波蕩滴銘鐫劍閣石頌頌去歌雨雪歸楊柳

掩映旌旗翠影交

霽色

霽色遙開雪後山
晴雲舒卷片時閒
垂堤柳軟迎風綠
着岸冰融向日灣
馬為性驕偏蹀躞
禽因候至巧間關
九衢動色傳

新詔喜見全師計日還

雨中曉行

膏雨天街潤泥塗滑不支微茫燈影裏
鄭重曉行時舉

足防顛躓當前慎嶮巖騶人言可味好步莫嫌遲

吾生

大造憑潛運吾生自有涯由來束名教那得外形骸
稚天真露家庭善氣偕柴桑良曠達攜幼一開懷

驛路

驛路星流折馬鞭困投茅舍未成眠荒雞不識征夫倦
夜半寒聲到枕邊

題陳履平秋林晴眺小照長卷

一別清襟近十年照人冰雪致依然憑將翠竹蒼松境
寄我闌風伏雨天洛社琴尊前事遠梁園風雅至今傳
幼與丘壑留難住攜手相期鳳闕前

恭和

御製七月十八日延薰山館召同大學士傅恒史貽直
及內翰侍御諸臣

賜膳賦詩輒成首唱元韻

山莊曉霽畫屏開傍

輦攀躋近水臺
文藻縈回紛綺縠
孫枝清樾蔚條雲
霞

聖蹟重霄麗雨露

仁恩奕世培豐歲
行秋叨扈

蹕卷阿幸得遂歌來

寒食

寒食山村路輕烟望欲迷
斜陽暎躑躅

花名

細雨濕棠梨

綠漲船唇浪紅黏履齒
泥兒童爭餅餌
翁媪事鋤犁
楸

徑添新槪苔碑蝕舊題
酌觴腸斷處丙舍草萋萋

金川納款二月十四日捷音至都

御製長律志喜恭和元韻

風馳吉語路關然上將功成

帝德宣快覩首徒崩厥角早驚

王旅至如川狼烟永靖香雲滿
豹尾新頒旭日鮮績奏
萬全由不戰底須銅柱鎮南天

金川納款大軍凱旋

上御豐澤園賜經畧大學士忠勇公傅恒及諸將士宴
百寮陪列卽席恭和

御製元韻

幄殿長筵勞凱歸艷陽芳籞仰

清暉喜聽法曲同魚藻載捧

天章浣露薇朱鷺先聲威絕徼白狼新調達

神畿元臣虎拜龍光渥總賴

宸謨決勝幾

恭和

御製恭謁

三陵途中即目元韻

敷德覃無外

詒庥信有徵春膏滋繡甸佳氣護

丹陵新柳朝烟重層巒遠黛凝

鑒興欣賞處摘藻興時增

南苑行宮

風颭黃旗卷復舒

六龍行處宛魚魚

離宮朴尚茅茨舊陸海平開雉兔餘野草春深花自艷
庭槐歲久葉偏疎去年雪夜憑回首難燭三更治羽書
恩晉太子少師恭紀

寵命逾涯力豈任六階宮秩首凝丞頻仍

思已銘心切密勿機容造膝承書告筆精師魯郡表阡

文峻慕廬陵

廟魯公歐陽文忠公皆嘗加太子少師見告身及本傳

左坊清切承

金定四八八
華地十七年來暢倍增

由敦癸丑遷左贊
善古東宮官也

德壽寺見牡丹有憶武林水陸寺舊遊

數朶纔看傍

御筵禪房又見露華妍
幻來艷景空中色
信有香林世外天
繡幙金鈴離俗韻
游絲飛絮證前緣
攜尊忽憶城南寺
細雨輕舟近卅年

房山道中

桴眈翹望

翠華臨扶杖深知父老心隴麥喜霑三月雨堤楊看長
十年陰驅車道坦行相競飲馬泉清近易尋最是
行宮春晝永迴廊飛絮靜沉沉

恭和

御製射元韻

閱射行宮清晝長
鏡歌新奏靖疆場
彤弧載錫功惟懋
畫的高懸備豈忘
響激鳴鶻松吹合
影歌高蓋柳風涼
采薇飲至騶虞節

天藻頻賡風雅章

侍郎沈德潛

予告還里紀

恩進呈四律

御製賜和內直諸臣同賦應

制

十載清華歷幾官數承

優眷接

溫顏授經身健趨直許國心誠再出山

德潛丙寅請
假年已七十

瀕行
如期而至

賜詩趣其赴闕果
御製詩嘉之

分擬飛同棲禁鶴却容閑比

出籠鵬者儒自荷

天心鑒喜動同時聽漏班

高懷那肯問田廬筆力詩才健有餘早厭時趨驚蛺蝶

別裁古調掣鯨魚晚成尚及懸車日宦達仍如伏案初

白髮終邀

聖主遇不教長嘆夜窗虛

星雲糾縵世同欽授簡常教和

御吟畫出

瑤編容徧讀自緣

黼宸愛聞箴文章今日酬知切風雅平生用力深竹簞
暑風多勝賞詩筒遞處想惜惜

不須種柳更披蘿書帶堂前鳳羽姿車服何心誇里閭
烟霞豈為樂槃邁紫團綵綺蒙珍

賜寶繪

仙毫入睿歌直自漢廷疏傳後再將盛事紀

鑾坡

恭和

御製御園古柏行元韻

宮花千襲艷迎日禁柳萬樹高參天中有亭亭一株柏
苑丞移植知何年喬柯飽沃雨露澤古貌靜抗冰霜顏
承光蒼枯覆穹殿閱歷時世差隨肩陳留底驗南去道
趙州莫問西來禪天姿自挺本性直地靈獨得生氣全

騰精欲掩種榆列秉操不美求桑田無人物色衆所易
有如蓬閭容散仙

天文垂光忽下賁長吟何藉杜老傳豈惟香葉晚含翠
應鑒苦心堅且丹麈颺濡翰窮體物九如願續宵雅篇
四月下浣七日

上詣

暢春園詣

安

皇太后賜膳於集鳳軒遂

御大西門較射因陳馬技奉

慈駕御樓觀之疊上年較射

俯用侍郎齊召南元韻紀事恭和四首

岑樓高敞面西山夏青偏宜水石間

仙苑花深端節近

寢門晝永萬幾閒軒開集鳳親調膳漏轉鳴虬早放班

馬技教陳先命射六鈞

手御月同彎

勝賞清時妙孰當羽林列幟白兼黃

國朝以鑲黃正白正黃為上三旗

神工連破中環的

是日中其九破的上發矢十

天巧真穿百步揚繞壁

舊題鐫寶墨紀年

新什散奎光共知

聖慮持盈切樂府新聲譜白狼

爭呈絕藝比呼嵩

馬技多以獻壽為目故云

奏巧飛馳我馬同俛仰

縈迴拋玉勒超騰攢簇控雕弓調良孰過天閑駿夢卜
還期渭水熊羆畫檻薰風奉

慈豫尚餘愛日勵羣工

柳絲冒地拂珊瑚

笑語遙傳豹尾前錦艦平移雲際樹淥波新漲雨餘天
已收景物歸

宸藻更為霑塗念甫田麥秀兩岐看被隴封章遠近報
豐年

恭和

御製曉行元韻

天際初霞迴建標欣瞻

秋駕發寅朝悠悠晴展參差旆激激流分宛轉橋野曠

玉驄馳絕足風高俊鶻振新翹巖花色較春花艷時有

香風

輦外飄

恭和

御製文嘉疎花冷蕊小幅元韻

點筆生春撲紙香傳來家法玉蘭堂却教展卷千山外
白露橫空塞草黃

巖花也自逞幽姿端讓仙人冰雪肌莫道邊關風露冷
由來瘦骨任教吹

紛披

天藻勢吞江虎帳揮毫倚屋窗應笑留題四才子分明
水調是吳腔

庚嶺孤山落更開
巡簷索笑勸千杯
化工巧與添生趣
攜得瓊枝出塞來

恭和

御製行營元韻

千帳拱星營如弦

御路清黃中開

法座壁合儼重城
列部仍聯署分門
各建旌風雲入

睿想箕畢協羣情
甫草宜言狩屏藩
會遠迎車攻邁周

雅

宸藻更天成

秋迴蒼茫野天低平遠山鈎陳肅周衛壁壘靜嚴關風
幕千燈聚霜弧半月彎遙雲橫作帶近澗曲如環班馬
凌晨發明馳向夕間咸欣

聲教訖絕塞達瀛寰

恭和

御製止頌元韻

晨裝連日隨

清蹕止頓今朝乍放閒指點白雲瀰漫處昨來千騎出

重山

夜聽點點曉絲絲信是晴宜雨亦宜暖翠浮嵐妙烘染
畫師難競筆端奇

列帳參差冒雨開炊烟縷縷透林隈負薪汲水還爭出
更度前山放馬來

繚白縈青作快晴曉烟宿霧逐時更山靈巧會

天工意博得

宸章點筆成

恭和

御製塞上行圓奉

皇太后啓駕載覽西成有象即景秋曉成吟元韻

紫塞秋行爽氣清

金輿曉發快新晴
千村父老迎丹仗
萬疊峯巒擁翠旌
盈尺穗垂珠錯落
連疇穎實畝縱橫
風光到處供吟眺

御藻紛披取次成

恭和

御製九松山元韻

秀澤全殊列岫童連天一望色青葱
欲招鸞鶴來仙嶂
疑有蛟龍護梵宮翠蓋盤雲開
輦道寒濤帶雨入秋空曉停

宸蹕披襟處巖際時生謖謖風

一
恭和

御製山田元韻

應節商飈屆蒔收西疇高下悅

宸眸已教碧嶂成圓嶠更愛黃雲入素秋陳廩高添場
外積新炊香溢甑邊浮從知此日茅檐樂

宵旰曾經幾許愁

恭和

御製波羅河屯作元韻

行殿清秋曲蓋停嵐光環繞翠為屏百年藩部蒙

恩澤萬里遶陸慶
敕寧樂奏廣筵羅
毳幕歡騰夾陛拜
珠庭

鴻猷遠紹

神堯烈雨露頻沾
塞草馨

恭和

御製季夏視朝詩
元韻

曙光遙映彩霞明
閭闔朝開值快晴
夾陛旌幢新羽衛
旋宮律呂古元聲
香浮

御展薰風度涼襲朝衣宿暑清載誦

宸章欽

德意期將勵翊奉昇平

恭和

御製獵元韻

雨沐秋原分外清

龍驂大獵喜新晴人從密樹林中出馬向層巒峭處行
兩翼箕張森六纛重規壁立拱雙旌欣飛獻技呈餘勇

解網深仁軫

睿情

待園摘藻吐奇芬
即目成吟自可欣
耳後生風鼻出火
行間垂露硯飛雲
長楊賦就難爭捷
石鼓詩傳邁所聞
數獲偏教叨

賜渥挽強多愧羽林軍

恭和

御製移頓元韻

扈

蹕頻移頓山程匝月賒分營依水曲列幟出林斜幔卷
朝霜重裝經宿雨加柴車分載鹿土竈旋烹茶負販來
成市新芻各赴家紀行瞻

聖藻即目燦雲霞

松泉集卷十五

欽定四庫全書

松泉集卷十六 己巳下

吏部尚書汪由敦撰

恭和

御製登興安大嶺歌元韻

昔聞興安大嶺上可摩蒼天
粵自鴻濛乍判五嶽五鎮
奠方域洩雲致雨造化分命
司其權秩視三公旅四望
祠官典禮自古然茲山傑峙
大漠外山經失志莫識其

從前

聖祖神武燦四表幅員所際遠軼太古先龍沙

清蹕偶經此武陵果有桃花源神叢奧區塵跡不可到
飛黃在御振鬣登崇巔仿佛金支翠旃互摩夏底事滄
瀛縹緲求神仙我

皇丕膺鴻緒繼

祖武紹庭上下夙夜加勤虔四經大獵橫紫塞緬溯

遠蹟親舉白玉鞭旋御虎帳洒

奎藻謂身所歷非僅竹素之傳言興安大嶺上可摩蒼
天前年曾謁五臺之淨域昨年曾登泰岱之名山應真
膜拜嶽祇導纖雲不起淨卷兜羅綿茲來旭杲騰躍扶
桑外靄黦瀾漫修若干步帷幙互接連窈妃玉女星軒
遠障蔽不比浮邱揚袂洪崖許拍肩金戈鐵馬出飛棧
鯨波驚濤盪驚川霓裳羽衣嫋翩翹玉嶽流水儷幽蘭
蒼茫不測厚坤意神奇變幻詎可常理詮無乃效靈酬
貺答盼蠻上干

天筆勒此煒煌卓犖之大篇不然胡為詰旦遽明霽陽
開陰闔殊判焉

宸章一讀一咋舌屈宋李杜頰首臣僕間雲隨飛龍絳
霄戲卷舒一氣交盤旋惟見白榆厯厯舉手摘素髒玉
杵守廣寒又見白虎敦圉駮金官跋烏瞞瞞迴晴暄俯
視齊烟九點復有九經營暢谷濠汜耕芝田洞庭窈窕
張廣樂湘靈瑤瑟廿五絃塗山圭璧集萬國蔥珩鞞琤
垂紛緡

神心晃朗大圓鏡
埃紘蟠際羅其全
談天雕龍陋衍爽
崑崙靈宮何侈旃
興安大嶺上可摩
蒼天仰賴

雲漢章萬古長流傳

恭和

御製放鹿元韻

長圍攘塞雲迺駢
破朝霧連峯各偃
蹇遠勢莽鴻絢同
聲疾以應鼓勇厲
乃衆疊雙快捷獲
屢發矜巧中交頸
互搯拄奔突翻倒
撞血濺赭霜翎興
酣逸飛鞚惻然軫

聖心解嚴弛法從馬蹠未舒足士惋不盡用令嚴追出
防已得少疎縱

深仁貸餘生有知應感動尾游恢風聞頌禽荷分供即
事陋長楊惇史豈勝頌

恭和

御製雨元韻

秋烟漠漠雨飛時夾入

宸襟澹以思山色空濛千萬疊松梢戛擊兩三枝纖塵

不動凝

仙仗涼氣初添透夕帷向晚晴光開碧落從知為洗月

圓期

恭和

御製雪元韻

玉虬夜歆天池水素鬣銀鱗誰敵此瓊瑤作屑珠解珮
飛絮凡言嗤妄比癡雲片片去復來雷車填填殷盤回
山靈遊戲巧作劇素娥忽放清光開長空一洗山骨露

廣寒徹夜將肥兔絕景端供

睿藻吟不藉河陽揮絹素

恭和

御製晴元韻

四山積素盡中看更快初晴騁麗觀曠甸漸融銀草濕
穹廬頰解玉樓寒屏開遠嶂拖烟紫城疊明霞映樹丹
幾處叢梢綴餘雪萼華仙子益珠冠

恭和

御製疊前歲中秋帖子詞元韻

為愛清光適曠閒松林霜葉半教刪

駐蹕地
多落葉松

幔城高

不勝寒處近傍興安天外山

萬幕燈懸列宿光峯嵐野霧總飄香中天一色銀蟾迴
端正何勞玉斧匡

昨朝滕六逞偏師巧助

天工錦帖詩更捧

壽卮陳桂醕塞山今日是瑤池

玉宇瓊階十二樓平分秋景十分秋萬方正進豐年頌
社鼓幽歌徧隴頭

恭和

御製中秋日侍

皇太后宴元韻

獻

壽當佳節龍沙景倍清長承

華袖舞不奏羽衣聲銀海三山迴瓊樓萬里晴金蓮共

金粟繞幔競敷榮

應節頒宮餅

行圍進澤康繞陳天保頌又際月圓時挑熟呈仙菓醪

香獻

御卮

含飴懽繞膝玉樹總連枝

恭和

御製迴鑾至張三營行宮作元韻

清蹕重經五柞宮秋光不與去時同石稜瘦露寒峰翠
林纈濃添夕照紅露警仙禽清昔夢聲傳征鴈曳長空
雲林指點

山莊近

駐輦飛毫境莫窮

恭和

御製九月朔日回蹕駐避暑山莊元韻

依然清露浥崇蘭

雲館幽閒暫解鞍經月風霜回遠塞
泱泱烟景望田盤
湖光山色吟邊見暮靄朝嵐盡裏看
迴指興安

高詠處萬重蒼翠鎖層巒

纈繡千林繞碧窗飛泉百道響泠泠
峻嶒霞嶺孤鍾聳
迢遞雲隄夾鏡雙澹挹秋容開菊圃
冷添詩境憶楓江
佳辰况復題糕近應得

飛毫興未降

恭和

御製山中杪秋元韻

絕勝清涼境天然曠與兼雲移窗卷幔波定鏡開奩
邃谷風林密平坡露草尖羣峰如抹黛刻畫見重簾
領畧山中趣隨時愛景光況逢秋杪候正對晚花香寒
薄添新爽嵐深卷夕陽行吟

清興遠麗藻湍文房

恭和

御製暖元韻

晴暉蒸暖入輕衣
秋塞妍和自昔稀
應念雪風飃絕漠
特回陽律煦行幃
歲豐有喜人偕樂
恩厚成春氣弗違
烟火萬家通萬里
鴻鈞在握正衡璣

恭和

御製廻鑾至喀喇河屯元韻

鳴禽上下近文軒
馴鹿成羣傍澗奔
一水滌洄開月鑑
沿階蒼翠躡雲根
晚花起暖香偏馥
老樹經霜葉僅存

最是稔秋多樂事民忘

帝力更何言

恭和

御製入古北口元韻

攬勝方知設險工北庭車軌此來同
去看秋塞連畦黍歸及霜林滿谷楓
雲罕琴麗行作隊驂騶蹕蹕氣爭雄
清時候尉原無外

高唱三侯軼大風

恭和

御製村行元韻

塞山迴複歷高寒赤縣遙遲眼界寬

堯壤卽今行處是幽風何待畫中看
重來滿目堆珠顆
兩度當頭轉玉盤排日紀程

天藻富幾番賡和到更闌

恭和

御製山居元韻

名山到處足神娛
況復深秋景特殊
石偃高低都皴瘦
林分遠近不模糊
窈深繚曲誠工矣
外骨中膚亦信夫
不是仙真誰得到
膏車秣馬肯相呼

恭和

御製天成寺元韻

精藍據勝儼名園
蘚護遺碑跡尚存
虎豹踞林摩石脊
虬龍破壁走松根
參差衆籟搖空落
戛擊繁聲過雨喧
自是天成好圖畫
不須公案為重翻

恭和

御製雲淨寺元韻

靈區開淨業香界儼諸天重演三車法還空八識田松
泉叅梵唱嵐靄接壚煙遍掃巖間石題詩待紀年

恭和

御製敬題壽萱堂元韻

天關名山啟

御園堂開東嶺氣常溫壽峯高擁千章柏瑞露長滋百

葉瑩石上松盤龍蜿蜿階前苔印鶴軒軒承
懽兼備遊仙勝蓬島瑤池詎足論

恭和

御製池上居二首元韻

泉脈緣山導引便開池隨地曲仍圓半江綠剪屏間畫
一片青涵鏡裏天風過縠紋重潏潏雨跳珠點細涓涓
吟情遠暢元無別樂水從知

聖性淵

虛白軒窗眺覽便空明交映月痕圓一杯誰瀉滄溟水
萬古仍通小有天習坎便應敷遠潤朝宗端不讓微涓
詩家漫說香山句

學海何能較廣淵

恭和

御製遊東甘澗古中盤諸勝即景三十韻

茲山故多奇深秀展

清眺自非穹覽周安得綜衆妙登陟雖云勞所得足償

報舉足凌青蒼諸峯迴孤峭東西兩甘澗高下憑取道
山僧強好事隨意各置廟東臨撫長松支離非一貌西
望橫亂石混沌本無竅仰瞻青冥巔定光昨曾到塔影
摩重霄月鏡挂靈嶠于焉振衣領有若據堂與絕頂固
空曠層折排險隩飛雲時往來或露或蒙冒青蓮惜未
至佳句誰能造却怪陳拾遺薊邱何足較顯晦當有時
韜隱謝探數千載待

宸遊飛毫攄古調

奎章雲漢倬

寶翰巖崖耀谷神契真詮山靈定含笑始知

仁智心天與從所樂嘉肴飫芳馨甘醴酣滿醕含咀味
愈出向似弗及料天成與萬松熟遊增竄窾中盤此重
來金碧映岑竇賞會信前因濟勝敦夙好

微臣

扈

清蹕宿頗車屢膏可望不可即深負林泉誚那能凡骨
換莫寫名區照賦慚天台孫詩矢卷阿召他年廣圖經
賡歌纔紀要

塞上紀行和張宮贊韻十二首

扈從亦云屢事往每自失萬景在目前過百不記一汎
覽隨輦作夸舛多匪實刻畫恣冥搜愛此凌雲筆

策馬望邊城千山縈一綫林開豁無際雲起劃中斷低
昂分向背所歷頗易眩緬思版築初哀哉民力倦

塞柳尚含綠塞山亦已蒼中有萬頃田黃雲徇秋光曉
行露方溥襲袂未黍惠此遊牧倚觀石羸黃梁

旗翻朝旭紅馬踏暮霞紫草枯獸正肥雄心良足喜湖

山事治遊熙春豔桃李人生各有適毋為強相擬
後車續前車揚鞭競追逐而我獨徐驅為賞衆山綠輕
轅卧歌獨高箱載虎鹿因之念老農接軫歛新穀

宿草翳陳根墳起徑尺許託生邃古初沮洳固其所失
足濁水泥顛躓戒徒旅豈獨歎勞新駿騎亦神沮

徹曙照幕燈熒熒綠如豆高低散滿谷疎密亂列宿連
絲匝郭郭平遠勝郊園怪底嵐靄濃萬竈曉烟湊

驅車掣駱馳緣巔善疾走侏儒類鼯猿皮衣不掩肘此

來叨

厚錫並塞四十九圍塲經月功勉旃力抖擻

南山熊舐掌北山虎負嵎

天威殄殘暴一發落爪鬚草間狐與兔瑣細安足誅更
聞縱麇麇吁嗟頌駟虞

臃腫塞山木千年倚巖隈丁丁樵斧響擔荷去復來太
息謝莊生寓言恣恢恢全生屬有幸奚問材不材

負販列行塵燈火喧夜市戴路螳相屬隨營日轉徙雖

工競刀鉏端賴供薪水衛士謹誰何慎勿擾及此
戒裝當七夕良宵修三五心慵鄉夢斷老去詩味苦賡
歌愧衰孱寸寸挽强弩綺才餘筆力相勗事汲古

題裘宮詹使浙集

龍沙冰雪照清顏使節新從禹穴還萬壑千巖看不盡
仍教飽看塞垣山

剪燭題廬細字明品如菊淡格梅清賞心遊目渾難給
也似山陰道上行

初日芙蓉映水紅
清宵夢斷白堤東
牽人鄉思天機錦
中有西湖六月風

恭和

御製十月八日雪元韻

應時呈上瑞巖令
轉繁華駕瓦看初集
鱗塍景倍嘉霏
霏紛委積漠漠遠橫斜
賦質初無滓潛形愛掩瑕
寒生江上釣春先

去聲

嶺頭花高卧門空閉
幽尋跡旋遮戰詩

矜鐵葉入畫點山茶

畫家作雪景多以朱色山茶映之

最是占三白

勤農喜莫加

友人以杖索賦漫題一律

太乙青藜叩竹枝
酒錢挑得恰過眉
攜防花徑莓苔滑
倚向柴門夕照遲
遠道雪霜當健僕
衰年筋力付童兒
縱然得力難拋却
入手先思放手時

原作終有臨歧放手時
劉延清總憲改定此句

靈珀詩十二韻應

制

偃蓋龍鱗老蟠根
蘊茯苓丹脂凝露液
金骨孕烟扁正

色逾蒸栗晶光炯摘星虎睛呈異寶虹彩曜精靈徑寸
菁英貯虛中秘象形舒榮滋蓓蕾孚甲植釵莖陽長花
旋放陰生葉漸零知時符大化應候發長青刻鏤何能
肖摩挲昔未經名應標瑞牒珍合薦

彤庭毓粹徵天巧涵華表德馨仰邀

宸藻麗堯陛協仙謨

恭和

御製題王詵烟江疊嶂圖用蘇詩韻

石渠萬軸雲中山錦暉坐展霏蒼烟烟江一卷最超出
羣山迴合雲悠然眉山心賞揮妙筆隨地湧出萬斛泉
世人見詩如見畫不數王裴酬唱圖輞川流傳屢劫不
終閔完璧宛呈

黼座前

興來洒翰一追和珠璣萬顆落九天坡詩粲粲麗五緯
詎與曦曜能爭妍從茲寶繪益增重虹光百丈起研田
風流遠溯元祐盛厲禁還惜宣和年弇州考證博且覈

漫以短長肥瘠評嬋娟取多用宏貴公子凡事海岳弟

畜攜龍眠姓名附見足不朽

見蘇軾寄王說詩序

何況金丹一點

平地成神仙生不並時致三歎却從藝圃聯良緣千秋

精鑒有定論稽首伏誦

乾隆篇

恭和

御製示四川總督策楞元韻

綏邦合奏屢豐年驛報京坻自兩川

帝德好生長灌漑

皇風布化靜鳴絃吹曲飲蜡成已曲
鍤雨犁雲種焚田
荒徼常勤

宵旰念盈寧長此待旬宣

恭和

御製賜大學士勤宣伯張廷玉予告詩元韻

入禁榮傳丞相車

眷留元老藉匡予致身義重風廊廟全節

恩深動井閭三月鶯花

迴蹕候萬行烟柳挂帆初歸裝何事煩頻檢鄴架牙籤
滿

賜書

恩華兩世古誰過鐘鼎文章總不磨綸閣家風榮遇重
詞林盛事

聖朝多賜園喬木添新蔭媚筆春泉接遠波

賜金園中有媚筆泉

況有肩隨誇二老扶鳩迎笑樂如何

大學士

弟廷璩
予告在籍

溫語曾教就第宣

賜詩德意更殷然九天傳和

雲章賁八袞重看畫錦旋望

幸預知燕國早呼嵩還許潞公先紀

恩感遇應成帙豈獨明農課稻田

恭和

御製示大學士勤宣伯張廷玉元韻

眷厚曾無不盡辭

隆恩重誌

鼎湖悲典崇俎豆名全矣像繪丹青遇過之

宋制佐命配享之臣

皆繪像於廟廷七字

詩崇藏左券十行

詔比紀功碑堂廉盛事敦耆舊專美寧惟一德伊

大學士伯

鄂公同受配享之命

恭和

御製福字詩元韻

朱箋灑翰洽臣僚

福澤先從令節昭
雲日麗天光照耀
龍鸞迴肘勢騰超
捧來

秘殿當晴晝懸向高
楣慶歲朝共仰

一人宏啟錫心傳八法繼

神堯

應

制恭祝

聖祖定妃太妃九十壽詩

護榮瑤島迓祥光
婺燦星潢應壽昌
瑞紀彤編輝寶冊

雲騰

奎藻介霞觴
年週花甲餘三袞
閨閱梧階近五章

算家以十

有九年七
閨為一章
繞膝承歡縣福履
春暉朱邸慶方長

題椒花掛屏應

制

寶勝迎年啟靈花
應節呈酒香
開壽宴綵綴煥華楹
蕃

衍徵詩句馨寧叶頌聲從茲歲時紀萬禩薦嘉名

題劉繩斧少司空鏡影圖

寫出誰分照與真芳蘭竟體識斯人
瀛洲圖畫已千古
潁水鬚眉散百身
鼎鼎相看少壯老
如如難釋影形神
冰輪靜對呈心相
箇裏原無一點塵

君自題有和陶
形神影三詩

除夕

笑把屠蘇又一年迎新節物任紛然
太平競寫宜春帖
利市先分壓歲錢
去日風光憑指數
故鄉書信劇情牽

家人相戒聽朝漏爆竹通宵紫陌聞

庚午春帖子詞

金掌融晴雪雲韶奏

玉墀昇平多

慶澤瀛宇樂雍熙

庚為剛健恢乾德午象文明麗日華一氣鴻鈞符景運

東風送喜辛

天家

絲縷青旂淑氣迎陽和到處啓勾萌華封競獻

三多祝先聽臺懷

萬歲聲

欽定四庫全書



卷十六

欽定四庫全書

松泉集卷十七

庚午

吏部尚書汪由敦撰

元日

朝元車馬集長安紫陌宵嚴雪未乾
黍谷乍回三日暖

前二日

立春

條風猶送五更寒

鑿興豫動民依切
節屋謳歌

帝澤寬日奉

溫綸符泰運貞元相續鎮無端

新正二日

乾清宮侍宴恭紀

紫殿元辰秩廣筵

法宮重荷

渥恩偏春風乍轉雙冀秀韶律先舒百卉妍

是日演百花春劇

九有歲華調玉燭一堂喜氣洽

瑤箋小臣忝竊叨榮遇拜

賜欣歌既醉篇

四日冒雪入署齋宿晚晴見新月

泥融九陌淨車塵好事天工巧鬪新鴛瓦平鋪千片玉
鳳樓斜掛一鉤銀交光更待蓮花炬引興誰傾竹葉春
莫為清齋耐岑寂却教景色撩人

人日

祈穀陪

祀恭紀

夾道紅燈

玉輦行

祈年風事戒光明
燎壚光映同雲合
翠幄香浮宿靄橫
雪點六花呈瑞色
人當七日應懽聲
從知肸鬯能昭格
萬井豐登百室盈

相風烏和張宮贊韻

高處誰云獨立難
八風隨指許頻看
豈因旋轉煩機索
何待飛翔借羽翰
華表月移孤影直
金莖露浥曉光寒

前驅曾記高車駕

宋以前儀衛
有相風烏舉

迴絕飛埃帳殿端

曉起

統統鼓三鼙喔喔雞初鳴
騶鈴遠傳呼街卒呵夜行
高枕夢方酣閉戶寂無聲
時見闌闌中門埽篝火明
碓粟杵砢蠲彈棉絃鏗鉤
問渠胡為爾給求務儲贏
攘攘九衢衆日事衣食營
力作倘勿勤何以厚養生
通功獲所欲取攜靡有爭
饑寒不自恤博此錙銖輕
夙興執恒業急如赴嚴程
因之念竄情怛怛默心驚

下直輿中見新歲車馬往來之盛有憶鄉風偶占

二律

到處門庭爆竹聲
新春展慶趁新晴
遠年親串通歡笑
出塾兒童謹送迎
月影澹交燈影密
梅香濃入酒香清
山村那識金吾禁
五夜熙熙樂太平

春帖排門信手裁
村醪待客勸三杯
牧童繫婦新衣履
小榼輕筐熟往來
剪紙剔燈山市開
雕幾餘案衆廳開
卅年鄉夢長安道
馬足車輪十丈埃

聚族而居以廳事
為公所謂之衆廳

賜燈恭紀

華燈割鮫綃蘭膏揚彩霓寶蓋綴流蘇四照光的樂鳥
翻枝欲動蝶宿露猶滴頌從

玉座傍流影輝素壁憶昔讀書窗佛火伴岑寂廿年守
寒素春市不自覓頻年亦何幸屢拜

九天錫星毬玉瓏玲寶網珠幕麗多慚室廬陋過分增
悚惕圓坐語兒曹為舉向所歷

恭和

御製上元燈詞元韻六首

紫霄壁月照龍鱗仙苑銀花樹樹新博得

慈顏多喜豫珠聯寶宇萬年春

列缺施鞭雷始奮燭龍銜曜蟠初盈九華妙鬢當空見
五色牟尼大地明

琉璃香界光明佛絳節層城曼壽仙貝闕虹橋隨涌出
青鸞白鳳接聯駢

輪燦星垣連碧漢蓮開華井拂彤霞九衢懽笑春如海

繪出

皇都景物嘉

輯瑞憑將舊典論法王佛子盡蒙

恩特教革鞜侏僑使也聽鈞天生綺軒

時準噶爾使臣至特命預觀西北燈大之盛

火樹鼇山足賞奇玉禾芳甸更歲蕤縱饒五夜時行樂

莫釋經年

宵旰思

十六日

正大光明殿賜宴恭紀

三度彤庭叨

錫宴上元

仙藻許重賡艷陽放暖春猶淺璧月仍圓雪乍晴
六鰲圖閬苑難偕雙鳳叶韶謦

宸懽自愛耕犁潤豈為班揚有頌聲

是日與宴者二十人自大
學士而下詞臣內直居多

侍宴即席恭和

御製元韻二首

開歲頻叨侍

御筵

恩暉稠疊慶昌年萬方喜氣聽謳頌一派和聲入管絃
黼生近瞻天咫尺華燈交映月團圓

宸襟浩蕩

雲章麗滄海詞瀾匯百川

屏間無逸塵先知雪潤青疇喜莫涯珥筆敢希華萼句

飛箋重儆柏梁詞

是日先
命聯句

昭蘇甲坼陽成泰繪繡山龍

午向離計日

六飛行布德春臺景物正熙熙

落燈日雨雪交作

密室簾垂宿煖蒸紙窗陰重薄寒增廉纖已送澆花雨
斷裂全開帶雪冰老去流光憐荏苒少年狂興尚飛騰
青郊正待耕犁動莫怨匆匆過落燈

由郊園進西便門雪中作

雨絲雪片入帷輕宛記前山曳屐行春水忽添橋欲斷

綠蕪新長路將平
香浮籬落梅花瘦
味淺村醪竹葉清
底事笋輿奔兀兀
烟林深處望嚴城

雪中入署開印

鎖印俄云啟官程
赴詰朝路長泥滑滑
寒淺雪瀟瀟塵
案文書積

新恩雨露饒祥刑
頻布德貫索會芒消

送陳可齋總制兩廣

夔龍翊運贊

垂裳台曜新移鎮海疆
交廣遙霑卽伯雨東南近接台
公崇華燈曲宴承

恩澤貂帽重裘帶

御香拜

賜瀕行應有意春溫徧被燭明光

頻年聯佩直

彤廷待漏籌邊事事經路滑
晨趨矯陛雪霜嚴夜戴鳳樓星
呵水草奏肩相亞剪燭飛書筆
不停重去戟轅聽

鼓角清霄誰撼閤中鈴

冰鐵稜稜照鬢顏
嶺梅清絕萬重山
珠江光氣通三島
賈舶帆檣控百蠻
水底石涵鵲鵲眼
海南香熱鷓鴣斑
瑰奇莫漫稱難得
淳朴看移薄俗還

惆悵無華漢代規
百城風偃下車時
行聯鴻鴈遲孤影

栖願鷓鴣穩一枝
製錦無才慚鄭虎
鳴琴重幸值鍾期

舍弟戊午出公門今為屬吏

天涯手足牽情切
珍重歌鸞敢及私

連雪不止偶作

積陰連五日雨雪晝夜并霏霏止復作彌望徑路平沒
骭車轍泥跬步不可行澤國苦漏天往往徑尺盈北地
苦春早飛埃入軒楹今春浹旬來幾見霽色明陽和氣
已動陰凝力猶爭過多良可慮抑勒方抽萌有如哺孩
提傷飢疾易嬰何當掃昏瞠杲旭放快晴趁此土膏潤
剡耜及早耕

直廬聽煎茶聲

瓶笙靜忽鳴長伴西清直謾謾辨松聲
擬擬覘火力烹

澆舌本乾先試耳根食清課飭中涓坐移蓮漏刻

恭和

御製漢柏行元韻

嵩陽書舍兩株柏傑幹攢柯世無比竭逢

時邁一經過吟賞摩挲情不已遠從炎鼎紀春秋幸脫
郢斤量尺咫蒼根入地知幾何黛色參天今尚爾一株
輪廣更崛竒鬼守神呵離劫燬天風吹出鸞鳳吟化作
嵩呼聲滿耳寫意真窮造化工傳誦旁瞻歎觀止之而

健張森古紙堅皴細入露密理岱宗秦大夫淇澳衛君
子同調亦各成其是歲寒之操寧讓彼

題鍾馗夜游圖

深林撼撼慘不開陰風襲肌旋復迴肩魁睛突髯于鬣
羣鬼獻技媚老馗兩兩前導執旌旆荷戈持矛提杻械
功曹綠袍裹冠帶轎車四望擁高蓋豎髮上指角鬚鬚
詭形幻狀吁可怪偏工逢迎巧先會老馗指揮意殊快
人行不到境深阻若輩招邀此間聚啾啾悲啼訴愁苦

紛紛戲博競跳舞沙場鋒鏑知幾何溝壑阡羸那能數
有嘯于梁氣相召乃瞰其室或敢侮撫掌揶揄窮未送
潛入膏肓疾成蠱忽來忽逝乍有無張弧脫弧安所睹
神巫桃茢被不祥熊皮金甲戈盾揚九門乘春事礫襍
辟除陰慝遠伏藏物不疵癘民樂康幽明珠途杳難測
畫師變相何從得猶狂鬱壘久失職老尨何辜淪鬼國
康莊白日不肯行偏愛青楓中夜黑

寄內弟查溥公

外氏富羣彥君才政自超壯遊翔碧嶠遠志薄丹青老
輩心俱折平生言久要嶺雲千萬疊相憶路迢迢

童稚情親切依依四十年青燈書閣夜綵服畫堂前落
日秋潭暮孤城春樹烟舊遊那更續回首一悽然

清真敦夙好風雅展新圖龍劑珍家製鸞書愛手摹硯
花青翡翠筆格紫珊瑚暇日多酬唱揮豪興不孤

芳訊時能寄瑤箋滿篋中連枝懷棣萼舊雨聽梧桐池
草滋新秀庭蘭茁幾叢北堂方展慶翹首向東風

恭和

御製恭奉

皇太后西巡發軔京師即日得句元韻

香界迎

鑾輅青郊肅羽旗日邊

清蹕處春候省耕時亥字蒼年問

途中老人皆
蒙恩賜

來年保

介咨中春纔合朔比屋慶蕃釐土潤耜犁快途長車馬

遲景光供

睿賞一一入新詩

恭和

御製良鄉行宮作元韻

右輔離宮開宿頓
初程赤縣冠圖經
春來廣甸尋無迹
水泮盧溝去不停
大塊文章惟本色

化工筆墨有餘馨
望中席帽當年路
林外依稀長短亭

恭和

御製習射元韻

遲日開

行幄平郊遠設旄

餘功明鵠正妙技擬猿號

聖智非闕力

身先肯息勞遺蹤記飛將飲羽詎稱豪

恭和

御製賜唐縣民劉永壽一百五歲詩元韻

幾旬鳴鸞未匝旬近光一叟瑞駢臻重來健尚如前度

上壽天教祝

聖人宅里早看標綽楔扶攜端不藉蒲輪

瑤箋為紀承平慶錫福從知徧兆民

恭和

御製閱本元韻

行在封題計劃馳披從

帳殿塵來咨之網之紀闕民瘼如綍如綸仰

睿思萬里封圻歸

朗鑒

九天雨露惠嘉師宵燈晝漏無留牘長奉

良規奕世貽

恭和

御製臺麓寺有作元韻

穹窿五鼎列五方一度龍泉即其麓迴蟠百里橫衆嶺
側者為峯深者谷相輪梵網各標奇一一化城誰所築
氣寒路僻少人至冰磴常封白雲宿舍利騰光燈耿耿

真容示現神穆穆是文殊即無文殊莫悞盲參口頭熟
應真五百何處來也似打包禮尊足法王曾記

聖祖朝鳳蓋鸞旂映喬木五年兩度奉

安輿即事繩其昭

嗣服山靈迎

蹕快雪晴長為祇林紀

仙躅

恭和

御製白雲寺小憩元韻

衆峯迴合白雲栖勝境重邀

天筆題霧氣重添煙樹暝鐘聲遙應谷禽啼清泉說偈
誰聽者積素披圖亦絢兮若問獅王方便法飛行不假
躡層梯

恭和

御製命張若澄圖鎮海寺雪景元韻

名山如名人覲面初不奇遇事一吐露妙緒時紛披苟

非值真賞曷足語于茲清涼古勝地靈蹟釋典垂

宸蹕今再至歲二月維時一望靈鷲峯同雲繚繞之朝
來散六花到眼光陸離中巖揭寶坊佳景要聚斯瓊園
森瑤林不著纖塵縉恍憶去年秋大獵興安陞山祇默
效靈素旄間翠蕤洒道鋪玉屑迎

鑒不遑遲曼殊亦神通天龍合掌隨豈用作公案應藉
供

新詩侍臣擅能事淬翰臨清渠奉

詔繼難兄肯數河陽熙信手拈不盡凡筆那許窺畫禪
參指要名理窮言辭得遊戲三昧稽首人天師

初見道旁杏花

千林積雪擁臺懷七日經行去却迴一過龍泉纔幾里
杏花已報五分開

麥苗初放柳抽芽處處鋤犂景色賒不是

六飛勤省幸何因來看道旁花

朝來細雨怯東風靨暈還須嫩日烘却笑輪蹄紛蹴踏

無心生賞樹頭紅

恭和

御製瞻禮菩薩頂有作元韻

寶刹層層俯衆峰
范金應現禮慈容
中天梵唄隨風落
初地爐烟挹霧濃
驚巖堯開淨域
螭碑聳肩仰

仙蹤春晴又值

迴鑒近萬帳遙聽
五夜鐘

恭和

御製迴鑒即事元韻

雲端卷

慢城回望列崢嶸
山色變昏曉
春先時雨晴
雪飛迷玉勒
風勁拂華旌

親歷知名勝
因之有定評

恭和

御製見杏花始放元韻

三春花柳紛爭先
紅杏一株山店前
征途歷盡冰雪境

見此眼豁重流連江南社雨花信早飛來燕燕催春老
平分絳樹入新烟半掩綠蕪臨古道繡錯村郊

輦路賒牆頭溪尾映明霞應將望裏千番錦散作

毫端五色花

恭和

御製聞京師得雨誌喜元韻

首塗出

皇都冰泮泥沾勑冬春足瑞雪圻甸溥霑潤行行燕晉

郊青葱漸交瞬潛滋生意繁發育神功迅老農最知時
力作朝夕趁昨來雪復零旋喜薄晴嫩連朝充豫疆飛
牘奏分寸田事既可欣行旅亦無悶五風十日雨時若
占有信和會首善區記獲元氣奮誌喜繹

宸章格物徵至論學稼恧微臣課績謝田畯

恭和

御製迴鑒至保陽元韻

澆水城邊日載陽

迴鑿小駐荅時先褒忠字扶風霜氣勸學詩傳翰墨香
講舍池清臨淺碧營門地敞試飛黃扶藹共慶瞻

天日布澤端知

睿慮長

恭和

御製題旌忠祠元韻

階前松老作龍鱗名姓猶懸日月新抗疏先張自有膽
鋤奸寧顧不訾身長編汗簡千秋事遺像傳芑萬古春

仰誦

宸章扶世教九原誰與惜斯人

恭和

御製白洋淀水圍元韻

教戰陋昆明湖光萬頃平沿洄開遠陣聯絡會前旌
湧鶴鵝勢煙飛霹靂聲風雲多變態指顧望中成

恭和

御製喜雨詩元韻

經旬佇蒸雲尺寸競前却長風鼓其力負勢互強弱大
田方賦功老農有權度

皇衷恒先憂閔雨切憂灼為惜三春膏計日足斟酌青
疇事擾糲霑溥利東作邇者期稍愆麥收雖不惡飄灑
僅廉纖安得泉注壑蓄久氣乃通一夕快盤礴甘澍沃
良苗餘澤徧草藥從茲日滋榮轉瞬腰鎌獲惟當屬望
殷益覺及時樂迴較未得初相去竟何若因之悟物理
遲早徒紛攢祈請諒非術補救未可畧

天心默轉移誰能窺管籥

仙毫滴餘潤濃陰尚垂幕所希際寰海遠近無厚薄

贈曹劒亭舍人

雲間才子氣如虹八斗才高賦筆工吟取鳳凰池上句
當階新藥正翻風

方明屬御古興州砂磧永霜塞上游短後一鞭馳絕足
真看蹴踏萬驂騑

朝朝橐管值西清飛檄千言點筆成尚有餘閒消永晝

亂蛙聲雜讀書聲

舍人近有五言五章以日長如小年為韻

題陳雪園讀書吾廬圖

豈為撐腸獵五車笑君結習未消除白雲退直無多暇
還向梧陰讀我書

一襟冰雪絕纖塵枕藉端知意味親畢竟致君原有術
廟堂正用讀書人

良鄉迎

駕回至長新店日已及暮入廣寧門漏下二鼓矣即事

偶成

駕幸中州以典順
天試未預 應從

眯眼黃塵落日遮擬投旅宿當還家馬蹄倦處尋空棧

鴈影孤時印淺沙

同人皆先歸行裝亦早發欲留不得

心逐雙輪行鞦韆

路懸列炬認橫斜老來豈戀團圞樂直為明朝候

翠華

恭和

御製咏宋硯元韻

緋几揮毫心手和宋時尺璧藉詩磨帶雲石作龍鱗片

點水珠含鵲眼波陶氏早傳毛是友仙家漫號墨為娥
金替玉德光華爛巨海瀾迴

帝作歌

恭和

御製題梅竹雙清圖用王世貞題吳仲圭王元章梅竹

合卷韻

春從何來來自硯沼北

承機盎溢無停息一枝斜出數葉分直壓萬樹寒香千

畝碧今年

清蹕巡中州詩篇畫卷

宣示迴輦後顧瞻淇澳經廣平武公唐相堪尚友攜將
雙清寶繪展翫凡幾旬蕭森具標格洒落餘風神不數
海粟但賦十八公雲濤戛擊蒼龍鱗

至人游藝自得象外趣寧獨鋪瓊屈錢妙逼真不作空
庭月影長百尺亦不作繁條亂蕊疎籬側一天冰雪貯
清襟萬古乾坤有生色

化工點染衆彙春專家獨擅奚足論
洋州一派記墨君
石湖譜牒徒紛紜舊聞合作曾入弇州書
畫簾想見幽賞
高吟行繞屋長篇轉韻精品目却笑瓦礫拋來能引
玉麥光徑尺

墨彩數鮮腴通神入聖如斯夫惜不令弇州仰瞻是詩
與是圖驚喜贊歎當復何如乎益幸元章仲圭絕詣道
不孤

除夕過劉延清大司寇觀所藏硯

劉公嗜古蓄佳硯重之不啻琮璧薦又如窈窕貯簾櫳
未許尋常輕識面今夕何夕歲云徂從容散直日未晡
餘閒乘興走相覓事雖不急良非迂晴牕羅列露精氣
大小異形產異地黃龍翡翠徒區區未若青花尤滑膩
器格要難脫凡近祇似新粧闔時世露雯白理直且勻
審象甘蕉誠有謂吾州龍尾金玉質不獨羅紋始稱貴
澄泥唐製最淳古却愛鄭公真媚妩潘家都尉宣和古
渥顏未免譏儻父石交更有朝天巖曾向風簷共辛苦

人生適用乃足珍和璞莫謾誇琳紛紛譜說多失真
當前晤對臭味親况際嘉會甄鴻鈞六街車馬物象新
我亦爾爾非無因借君半晌摩挲意為洗經年眯眼塵

辛未春帖子詞

六字行春令三陽慶履端堯蓂開九莢辛歲獻辛盤
長樂宮籌海屋添紫霞青管簇瓊筵欲知

愛日天家永正值璿衡紀閏年

青旂出震為乘陽湛露光風載路長花鳥喜迎

鑒輅近豫排春色滿江鄉



松泉集卷十七